

四庫全書

史部

欽定四庫全書

寶慶四明志卷十七

宋 羅濟 撰

慈溪縣志第二

叙賦

鄉村

西嶼鄉縣東南管里三村二

上牛里 石刺里 安仁里

飛鳧村

德星村

金川鄉縣西管里四村三

雲山里

太平里

大川里

求賢里

太平村

招義村

千金村

石臺鄉縣南管里二村二

望江里

孝順里

句餘村

光德村

德門鄉縣東管里二村二

清水里

黃山里

鄞水村

鴈門村

鳴鶴鄉縣西北管里一村一

小山里

西村

鎮市

丈亭鎮

今廢

門溪市 德門鄉門溪
一作支溪

大隱市 石臺鄉

黃墓市 石臺鄉

藍溪市 石臺鄉

車廄市 石臺鄉會稽地記云昔勾踐於
此置廄停車秣馬跡趾猶存

漁溪市 金川鄉

田畝

舊額四十六萬九千一百五十八畝二十九步

戶口

主客戶通計大小口一十五萬六千三百八十

夏稅

絹一萬七百一十六匹一丈五尺六寸五分六釐

正稅五千一百七十二匹一丈五尺六寸五分六

釐

和買五千五百四十四匹

紬二千六百八十三匹二丈八尺六寸八分

正稅一千二百九十七匹二丈八尺六寸八分

和買一千三百八十六匹

綿二萬六百七十二兩三錢七分四釐

折變

折帛錢

絹二千三百一十四匹計錢一萬五千三百三十

八貫五百文

正稅六百四十七匹每匹七貫文計四千五

百二十九貫文

和買一千六百六十三匹每匹六貫五百文

計一萬八百九貫五百文

紬一千六百八十二匹計錢一萬一千二百一

十九貫五百文

正稅五百七十三匹每匹七貫文計四千一

十一貫文

和買一千一百九匹每匹六貫五百文計七

千二百八貫五百文

綿八千四百三十兩每兩四百文計錢三千三百七十二貫文

折麥

絹一百一十六匹二丈三尺三寸

紬三十三匹二丈二尺五寸

綿五百二十三兩八錢七釐五毫

以上三項通折麥六百四十二碩三升三合

四勺

正五百八十三碩六斛六升六合七勺

義倉五十八碩三斛六升六合七勺

亭戶折鹽

絹二百一十四匹三丈二尺二寸五分九釐

紬七十二匹八尺八寸二分五釐

綿一千八十八兩九釐

實催本色

絹八千七十五匹一丈四尺八寸八分

比元額增一丈四尺

七寸八分三釐

補所虧絹數

紬八百九十五匹二丈二尺五寸

虧一丈四尺七寸八分三釐八

數

綿一萬六百三十兩五錢五分九釐五毫

秋稅

苗米二萬四千五百六十八碩九斛五升七合三勺

折變

糯米二千六百三十六碩九斛五升三合折苗米
二千六百八十二碩四斛一升七合

亭戶折鹽九百九十六碩七斛四升三合

實催本色二萬八百八十九碩七斛九升七合三勺

酒

以寶慶三年為準

省場

本柄錢四千七百七十二貫六十八文

糯米七百三十四碩一斛九升每碩價錢三貫九

百九十文計二千九百二十九貫四百一十

八文

麵麥一百七十七碩九斗五升每碩價錢三貫六

百文計六百四十貫六百二十文

夫食物料錢一千二百二貫三十文

造麩五十一貫三百二十文

造生煮酒五百六十六貫八百四十六文

袋紬九匹一丈二尺每匹四貫文計三十七貫

文

箍缸打竈一百二十貫文

官吏巡脚夫食糜費輕空滲漏四百二十六貫

八百六十四文

收息錢六千一百八十五貫九百七十六文

諸司六千八百二千一貫二百七十七文

經總制司三千五百五十二貫四百九十二文

糴本司二千六百二十四貫九百七十五文

移用司六百四十三貫八百一十文

本府虧本柄錢六百三十五貫三百一文填納諸

司

糟錢一百六十三貫三百九十文

諸司四十八貫八百九十四文

經總制司二十六貫五百二十六文

移用司二十二貫三百六十八文

本府一百一十四貫四百九十六文

人戶買撲酒坊三十一所

大隱坊

車廡坊

招義坊

漁溪坊

藍溪坊

鳴鶴坊

鴈門坊

黃墓坊

蘆山坊

盧慈坊

貴勝坊

黃楊坊

蘆江坊

柵浦坊

相輿坊

施輿坊

石步坊

蜀山坊

聖井坊

杜湖坊

杜郭坊

下洋坊

徐都橋坊

浦口坊

石橋店

鏡頭店

郭宅店

嶼山店

狄奧店

江邊店

莊徑店

淨息錢四千八百五十九貫二百二十七文

常平司三千七百九十五貫四百九十九文

本府一千六十三貫七百二十八文

商稅

以寶慶元
年為準

歲額錢二千七百貫文

諸司一千三百九十一貫五百二十七文

經總制司六百四十三貫八百三十九文

糴本司七百四十七貫六百八十八文

本府一千二百八貫四百七十三文於內除豁諸司

頭子錢六十四貫四百四十八文實收一千二

百四十四貫二十五文

雜賦

免役錢兩料共一萬二千一百三十貫九百三十二文

實催到一萬二千四十六貫六百二十六文外補支發八十四貫三百六文

縣吏支五千七百二十六貫一百九十六文

本府八百七十二貫四文

解發減省人吏錢在京官員雇錢及支府吏錢並在

內

經總制司四千八百貫文

官戶不減半七百三十二貫七百三十二文

茶租錢四百一十九貫五百一十九文

水脚錢七百四十八貫二百五十文

租堰錢三十貫文

房廊錢五十貫六十四文

河渡錢六百五十六貫七百九十九文

專隸常
平司

職田

米一千四百三十五碩

元額一千四百六十五碩四升
三合一勺於內豁除逃荒砂塞

復還民業
米有今額

叙兵

弓手

縣尉司額八十人今七十六人

土軍

鳴鶴巡檢司額九十人今七十三人

叙人

見郡志

叙祠

神廟

靈應廟縣東一里即鮑郎廟也事跡見郡志民既神之

故所在祠之

董孝純德君廟縣東北一里慈溪因孝子得名而舊無祠宇附祀於城隍皇朝建炎間縣令林叔豹即靈應廟之西建祠堂遷其像而祀之有題跋刊于孝子碑陰祠宇尚卑陋紹興三十二年郡戶曹董鄰攝邑遂於普濟寺之西建廟久而圯慶元二年令朱堂增修帥同寮與邑之士夫上已重陽行三獻之禮里士畢集祀罷飲福於普濟寺至今不替尚書樓鑰記之

張孝子祠孝子諱無擇唐人事父至孝父死葬縣之金川鄉虎胛山廬于墓側朝夕哀慕七日絕漿三年不櫛感芝草醴泉之瑞其後仕至中散大夫終和州刺史白樂天志其墓皇朝嘉定十四年邑人請於縣立祠宇於純德董君廟側春秋配享著作郎張處記

靈感廟在縣西北七十里地名向頭山皇朝建炎四年勅封靈應侯

東西五聖廟一在縣東南一里一在縣西南一里

東嶽行宮在清道觀之西去邑三里

驃騎將軍廟在縣東南二十五里會稽典錄云漢世祖時張意為驃騎將軍後隱於山遂立廟以祀之

祠山張王行祠在永明寺開禧初縣尉施子升始建殿宇寶慶二年令周符尉莊鎬募衆增廣從屋水旱疾疫邑人必禱焉

宮觀

清道觀縣東南三里唐天寶八年建後廢皇朝紹興三

十年道士葉景虛重建又於其右建東嶽行宮尚書樓鑰扁其入觀之路曰列僊游館

大隱山至道宮縣西南四十里下有龍潭唐天寶二年

遣使投金龍禱雨泛出黑漆木板有金書大寶永昌

四字雨隨應乃賜潭名永昌建觀潭上名大寶

詳見叙水

地卑濕皇朝大中祥符間一夕疾風大雨拔木發屋觀屋忽運於溪南高爽處人號神運殿治平二年賜今額世傳為葛仙翁謝康樂修煉之所宮側有藥臼

石臺皆仙迹也寶慶元年道士董成真具其事聞于朝有旨命祠官典領且給降楮券三清殿聖寶閣鍾樓方丈厨庫廊廡皆一新之仍創亭三間少卿江立中扁以環碧其大隱山則樓宣獻公舊扁也府仍給據與免和役非泛科敷

崇壽宮縣西北五十里屬鳴鶴鄉定海縣東海王廟守香火道士嘗請崇壽為其觀額此宮遂改天寧觀又改天寧萬壽觀後有旨東海王廟觀改為淵德觀紹

金定尺八
卷十七
興元年道士王太素陳乞于朝復舊額

寺院

禪院六

香山智度寺縣東三十五里山舊名達蓬以其自此可
達蓬萊真應大師惟實道場也惟實姓湯生於唐開
元十二年從善慧禪師出家學道復從宗本禪師受
微旨天寶十四年振錫至縣之若嶼山夜夢神人告
曰達蓬名山可居翌日得其處石壁間隱然有佛跡

遂結庵焉寶應元年海寇袁晁散掠浙東數百人突
庵暴侮實據石瞑坐賊舁巨石塞其洞口實喑鳴作
聲以一掌舉之賊驚顧辟易實諭以善信各禮謝而
去廣德二年實乃即山麓開基建寺大曆八年刺史
裴傲奏聖跡在石巖谷流香乞以香山為寺額詔從
之貞元二年十二月實跌坐而逝葬寺之巽隅咸通
十四年有途人負漆器五百入寺曰湯和尚於浙西
丐緣先遣至此和尚濯足溪邊隨至矣衆趨出迎惟

見草徑濡迹直抵墳塔遺履在傍發塔視之髭髮秀長神色如生奉以歸寺乾寧三年有睦州陳氏至曰幼子久櫻沉疾值湯僧得更生約十六年還解於此升堂見僧像愕然自是水旱疾疫無嗣續者爭來禱晉天福七年吳越王賜號常寂大師錢億為州牧迎致府廷以針刺其膚飛血如線億大悔謝欲致城中之興國寺舉者莫前遂遣還山後有尼為削髭髮未釋刀似有壞相始加漆飾彩繪皇朝天聖元年賜寺

額元豐三年守王誨以禱雨有驗聞于朝更常寂之
號曰真應常住田一千二百三十二畝山二千一百
畝

蘆山普光院縣西南二十五里唐乾元元年置皇朝治
平二年賜額大觀間中書侍郎劉達記本院輪藏云
清泰開基元豐革律綿歷紹聖三世禪居其山堆青
擁翠秀拔鶴洲島渚之上物情萬狀皆出其中此亦
一方佳景也謂之清泰開基則在唐必廢而復興矣

石湖范居士集有送舉老歸蘆山偈云二千里往來似夢四十年今昔如浮去矣莫久留桑下歸歟來共

頭煨芋

常住田五百一十畝山六百三十九畝

定水寺縣西北五十里近鳴鶴山唐乾元二年建名清

泉世以為虞世南故宅皇朝改今額紹興七年更為

禪刹寺有泉甘寒宜煎茗暑月汲之久停不腐有大

藏經殿唐京兆韓杼材記常住田九百七十畝山六

百三十九畝

廬陵僧德璘嘗住寺以丞木犀香送誠齋楊文節公公遺之五詩一云春得鄞

江信香從定水來今年有奇事正月木犀開二云萬杵黃金屑九丞碧梧骨詩老坐雪窻天香來月窟三

云山童不解事着火太酷烈要輸不盡香急喚薄銀
葉四云傳語雙峯老汝師是如來如何一瓣香却為
楊誠齋五云誰言定水禪入定似
枯木飛入廣寒宮收得香萬斛

五磊普濟院縣西北三十里舊名靈山禪院唐文德中
令顯禪師建皇朝大中祥符初改賜今額知吉州太
和縣林肇記常住田二百六十四畝山七百四十畝
石門山饒益院縣西南六十里唐景福二年置曰石門
舊以石門山得名皇朝治平元年改賜今額常住田
八十七畝山二千六百畝

鳳巖寺縣西四十里金川鄉唐開成元年建皇朝隆興
初主僧宗曉刺血書大般若經六百卷翰林學士馮
楫題跋常住田三十畝山五畝

教院十一

定香院縣西六十里晉天福八年置名太平皇朝治平
二年八月改賜今額常住田八十七畝山一百三十
四畝

寶巖院永明寺之北皇朝景祐中建號天台教院鄞宰

虞大寧記嘉定十年主僧如理陳於朝賜今額常住
田一百三十五畝山無

赭山清果院縣西南十里周顯德六年置名赭山皇朝治
平二年改賜今額常住田二百二十五畝山四十二
畝

雲湖慶安院縣西北一十五里周顯德四年置名保安
皇朝治平元年改賜今額常住田三百畝山二百二
十七畝院本以湖得名今湖廢矣院之前有古松夾

道綿亘數里望之如雲其一最巨而竒蜿蜒如龍飛
偃如蓋臨池上院之後有流泉潺湲出於深山窮谷
中僧用巨竹連筒引行數里入香積厨以供用其流
滙于松下石池溢而出於谿龍圖閣學士舒亶有詩
曰門前屏障繞潺湲付與林僧夜定還松盖作雲連
十里竹龍行雨出千山白公香火蓮開後謝氏池塘
草碧問我亦鳳凰臺上客圖閑却笑未能閑其後邑
長沈時升有造舟之役睥睨茲松將斤斧焉里士文

學馮輓作詩曰寒松一幹老蒼蒼古寺門前歲月長
匠伯偶圖舟楫利禪翁方患斧斤傷得全此日同齊
櫟勿剪他年比召棠可但與公期久遠相將俱列大
夫行且述舒公詩以遺沈松賴以不伐僧遂併二詩
刊于石

五峰山廣福院縣西北三十里舊名五峰院唐元和元
年置皇朝大中祥符元年改賜今額常住田七十畝
山七百四十一畝

禪于山吉祥院縣西南四十里晉天福八年置曰禪于
院皇朝治平二年八月改賜今額常住田二十三畝
山一百四十畝

雲溪廣福院縣西南三十里唐光化元年置名壽聖隱
士楊適當記之紹興三十二年改賜今額常住田六
十畝山三十三畝

補陀院縣東北十里唐大中六年置名大中觀音院皇
朝治平二年八月改賜今額常住田四十四畝山二

百六畝

普濟院縣東北一里本普濟律院之子院也皇朝嘉祐
中建僧宗正記今為十方教院常住田五十畝山無
白巖院縣西南六十里皇朝乾德四年置天聖中賜今
額常住田一十四畝山無

妙應院縣東德門鄉皇朝治平四年置有觀音殿建炎
兵亂獨免于火紹熙四年僧悟謹增屋三十楹右宣
教郎主管台州崇道觀朱習記本甲乙住持嘉定中

改為十方教院久浸圯寶慶三年僧文會重修宣教
郎新特改差知婺州浦江縣李知退記院常住田一
百六十七畝山無

十方律院六

三峰山廣福院縣西南七十里唐會昌元年置曰三峰
院皇朝熙寧元年改為壽聖紹興三十二年改賜今
額常住田二百二十六畝山五千三百七十畝院有
智交律師塔黃州教授曹粹中銘

華嚴院普濟寺之西南隅皇朝端拱二年建吏部郎中
陳時舉記宣和初改為十方禪院紹興二十年本州
保奏賜今額復為律院常住田一百二十畝山無
佛跡寶嚴院縣東北四十里唐天寶元年置曰佛跡院
以山有佛跡而得名皇朝治平元年十一月改賜今
額常住田一百一十畝山八百四十畝

資國廣福院縣西南六十里唐咸通五年建名資國院
皇朝熙寧元年十二月改名壽聖紹興三十二年改

賜今額常住田四十畝山二十五畝院有藏殿願庵
居士劉應時記後寺僧元實興建佛殿三門僧堂慈
川逸民劉叔溫記

吉祥廣福院縣東一十里唐文德二年置名吉祥皇朝
治平二年八月改賜今額常住田一十三畝山一百
八十一畝

靈龜山福源院縣西六十里舊名永安唐廣明元年建
皇朝寶元二年改賜今額景祐二年縣尉宋續記院

之東南有基法師骨舍利石塔內翰楊億嘗為真贊
中丞舒亶游此寺有詩云一橋雲借路雙沼月分秋
後更禪刹今改為律院常住田二百一十七畝山一
百五十畝

甲乙律院十六

永明寺縣西二里唐儀鳳二年邑大夫呂珂捨宅為之
元號禪林院高宗賜名大寶院天寶中改為大寶寺
會昌中廢毀皇朝大中祥符元年改賜今額常住田

二百四十畝山無唐李華撰左谿碑銘云明州大寶

寺僧道源純得醍醐飽左谿之道味道源乃此寺名

僧也寺有亭曰四香縣令盛次仲為賦四絕

一云擾擾紅塵

為底忙僧家白日自舒長朱簾著地寂無事百刻青
春一炷香二云四圍老綠夏陰涼一枕南風睡思長
夢裏不知身是蝶等閑飛入白蓮香三云霜晴恰見
湖山好境靜方知日月長陶令醉多難入社時來
菊飲秋香四云趁雪看山坐小床白雲影裏
玉虹長不知砌下梅花發只恁開簾有暗香

普濟寺縣東北一里本吳太子太傅都鄉侯闕澤書堂

後捨為寺歷代毀廢唐大中二年縣令李楚臣復立

為德潤院以澤字德潤故取名之乾符中勅賜應天
德潤寺僧文義大師清晏銘于石皇朝大中祥符元
年改賜今額常住田二百五十一畝山無寺有僧遂
端誦法華經晝夜不輟唐咸通十二年跌坐而逝口
出青蓮華七莖既窆二十餘年塚間屢有光發衆開
視之形質如生即迎真身歸院加以漆飾裝嚴而奉

之左街僧錄贊寧為之傳

寺之東岡有松如龍石如
虎皇朝元豐中令盛次仲

有詩云一松偃塞蒼龍盤一石巉巖怒虎踞漫來題
作龍虎軒只恐風雲卷將去因以龍虎名軒松奇恠

秀特晚忽枯悴先是邑士登第者不絕後二十舉寂無人此松既枯登第者復相踵丙辰尤盛或以秀氣為松所奪今復還馮軒之北有亭曰鄰月元豐之八年令崔熙建今廢寺之前德潤湖之心有亭舊名清音天聖九年餘姚縣令孫籍記大觀二年令唐昌期改名涵碧

覺林院縣西六十里唐景福二年置名保德皇朝治平二年改賜今額鎮東軍節度推官項晞記常住田三十四畝山一百二十三畝

金繩院縣西四十里唐天祐中慧孜法通二僧以古華嚴址叔之後唐清泰二年錢氏名以護國皇朝大中

祥符中改賜今額觀察推官闕杞記院有韶國師所得隋文帝感應舍利一顆主僧德昇建甄浮圖于院前以奉藏之常住田一百五十三畝山一千七畝

金僊院縣西北七十里唐乾元二年置名福林皇朝治平二年八月改賜今額有藏殿蜀僧寶曇記常住田一十六畝山一百六十四畝

度門院縣西六十里唐廣明元年置曰西峰以西峰山得名皇朝治平二年八月改賜今額常住田無山一

百八十畝

證心院縣西五十里晉天福七年置名新慶皇朝治平二年改賜今額遼西項傳記常住田一百六十四畝山三百八十八畝

甘露院縣西南六十里唐開元二十八年置曰上福龍山以山名名之皇朝治平二年八月改賜今額沙門遵式銘于石常住田一百三十四畝山一百九十四畝

定慧院縣西南六十里晉開運二年置名支山皇朝治
平元年改賜今額常住田二十五畝山一百八十畝
法蓮院縣東南一十五里舊名蓮花吳越寶正二年置皇
朝治平元年改賜今額常住田六十畝山五十畝

白龍慈化院縣東南十里五代漢乾祐中僧師訥結宇
于此日誦法華經嘗有白龍矯首室外皇朝建隆二
年置院因號白龍治平元年改賜今額常住田四十
畝山無

精進院縣東三十里舊名靈山保國唐廣明元年置皇
朝治平元年改賜今額

定林院縣東二十五里舊名峰山院晉天福二年惟實
禪師開基皇朝天聖五年改賜今額貢士邵賓暘記
常住田八十二畝山一百畝

妙峰院縣之石臺鄉皇朝建中靖國中置常住田五
十畝山一百四十畝

廣濟院常住無

寶慶院縣之青村渡舊曰青村庵嘉定十五年賜今額
越二年改元適與寺額合

廢院一

太平院縣西太平村唐天復二年置僧居遂記

尼院一

永壽尼院縣北二十里嘉定初移賜今額

叙遺

存古

古句章縣在今縣南十五里面江為邑城基尚存故老相傳曰城山旁有城山渡西去二十五里有句餘山又有句餘村郭璞謂句餘山在餘姚北句章南二縣因以為名其實山在餘姚東句章西舊經載古句章城在鄞縣南六十里今鄞縣西南有句章鄉然按漢書地理志句章渠水東入海則所謂城山渡即其渠也晉劉裕東討孫恩實戍句章每戰陷陣賊乃退還

決口

今定海縣大
小決口也

是時孫恩泛海出沒禦之當據要

衝而今句章鄉乃在山間必非戍守之地鄉名句章
特以其地素隸句章縣故爾句舊讀為勾今讀為章
句之句

太平村在縣西六十里屆紹興府餘姚縣一百里按唐
歐陽詢藝文類聚山部載太平山云孔臯會稽記曰
餘姚縣南百里有太平山山形似織四角各生一種
木木不雜姚江源出太平山東至浹江入海齊孔稚
珪遊太平山詩曰石險天貌分林交日容闕陰澗落

春榮寒巖留夏雪晉孫綽太平山銘曰崑莪太平峻
踰華霍秀嶺樊縕竒峰挺嶢上干翠霞下籠丹壑有
士冥遊默往寄託肅形枯林映心幽漠亦既見止渙
焉融滯懸棟翠微飛宇雲際重巒蹇產回溪縈帶被
以青松灑以素瀨流風佇芳翔雲停靄因其地有太
平山故以名村焉

千人壇在縣西南十五里高數仞其上可容千人耆老
相傳云昔秦始皇東遊會稽登山望秩以求神仙至

此見羣峰連延東入于海乃令方士徐福立壇祈禱
因以為名

後漢鄞縣令王脩墓在縣西十里事跡見郡志叙人

晉虞瑤墓在五馬山縣西南六十里虞氏譜云瑤博學
強識當時所稱累遷至伏波將軍

晉虞胄墓在橫山縣東南十里虞氏譜云胄好學不怠
仕至散騎常侍嘗居此山死因葬焉至今人呼為常
侍墓

宋朱夔墓在朱墓山縣西六十里宋書云朱夔字秀整
吳人也州舉秀才歷中書郎轉台州刺史有林壑之
志卜居此山死因葬焉

梁虞荔墓在鳴鶴山縣西北六十里梁書云荔會稽上
虞人也以博識聞舉宏詞累遷中庶子卒于官歸葬
此山

梁虞攸墓在東澄山縣西南三十五里攸舉秀才累遷
至散騎常侍著內典要三十卷

梁建威將軍虞騫墓在漁溪山縣西北五十里

梁東海太守虞野人墓在戍溪山縣西南三十五里

隋金紫光祿大夫陳詠墓在城門山縣西南十三里隋

書云詠字休寧仕為懷安令遷城門校尉會稽從事

屬隋初多故因留葬此遂以名山

唐張孝子父司馬墓在虎胛山縣西三十里事跡見郡

志叙人

舊志載晉虞喜墓在亶洲山縣東北四十五里今

縣無此山詳見鄞志叙山

寶慶四明志卷十七

欽定四庫全書

寶慶四明志卷十八

宋 羅濬 撰

定海縣志第一

叙縣

沿革論

定海縣東南北三方距海中央微隆形如伏龜秦會稽

郡句章縣地也

越勾踐欲置吳王甬東杜預云句章縣東海中洲也海中洲今昌國是已在定

海之東則定海為句章地可知

晉安帝時孫恩寇上虞劉裕戍句章出

戰賊退還浹口即今縣之大小浹是已隋開皇九年併

餘姚鄞鄞入句章唐武德四年析句章置鄞州八年廢

鄞州為鄞縣則今定海地乃為鄞縣之望海鎮元和十

四年浙東觀察使薛戎奏棄望海鎮不屬明州從之

詳見

郡志錢鏐奄有吳越復以隸明州更名靜海鎮尋置望海

縣梁開平三年也未幾改曰定海鄞亦改為鄞皇朝熙

寧十年割鄞縣之海晏靈巖太丘三鄉隸本縣元豐元

年割本縣之金塘鄉隸昌國定為上縣凡七鄉

境土

東西二百九十里南北二百五十七里

東至昌國縣界以本縣崇丘鄉青山嶼接海面號鮫門
山為界縣東至海岸三里自海岸至鮫門山約半潮
折三十七里計四十里自界首至昌國縣約一潮計
二百里

西至鄞縣界五十里以本縣清泉鄉西陳渡浦橋北為

界自界首至鄞縣一十五里

南至鄞縣界三十五里以本縣靈巖鄉河頭鋪育王山
壠為界自界首至鄞縣三十五里

北至本縣岸二里即是海面直連至平江府海洋為界
但以潮下行舟約一潮折二百二十里其分界處係
大海

東南到本縣海晏鄉烏崎山海洋為界計一百一十里
本縣至海洋一百五里自海岸至烏崎山五里其分

界處係大海

西南到鄞縣界三十五里以本縣崇丘鄉褚浦堰東為
界自界首至鄞縣三十五里

西北到慈溪縣界一百二十里以本縣靈緒鄉東墟步
為界自界首至慈溪縣三十里

東北到本縣岸二里即是大海直接至昌國縣界以潮
下行舟約半潮至昌國縣金塘鄉折一百五十里自
金塘至昌國縣二百里

風俗

帶江瀕海之地蠻舶之賈於明明舟之販于他郡率由
此出入鮫門虎蹲可以艤纜謂之泊潮縣御前水軍雲
屯數千竈人物阜繁魚鹽富衍士習相承皆詩書禮義
之訓而山谷之民耕桑樂業有老死不識縣邑者俗多
醇厚云

縣令

董文質

以主簿兼令尉太平興國四年
四月到任五年十月得替赴銓

姚中和 以主簿兼令尉太平興國五年十月到任八年十一月得替赴銓

李齊

以主簿兼令尉太平興國八年十一月到任雍熙三年四月省罷赴銓

梁雄

守縣令端拱元年四月到任五月衝替

張又玄

以太子左贊善大夫知端拱元年十月到任淳化元年七月得替赴闕自是始差京朝官知蓋

本縣置市
船司故也

尹文化

以將作監丞知淳化元年七月到任轉著作佐郎四年五月得替

張巽

以太府丞知淳化四年五月到任五年改太子洗馬都大鈐轄本州市船司

馮璉

以將作監丞知至道元年正月到任咸平元年遷著作佐郎二年正月得替赴闕

王穆

以大理寺丞知咸平二年正月到任四年十月滿

王曙

以著作佐郎知咸平四年十一月到任景德元年四月滿

劉謹

以大理評事知景德元年四月到任四年四月滿

楊嶧

以光祿寺丞知景德四年四月到任大中祥符元年轉著作佐郎二年四月滿

王臯

以殿中丞知大中祥符二年到任三年四月就移知封州

阮昌齡

以殿中丞知大中祥符三年八月到任四年六月遷太常博士十月在任致仕

呂仲奇

以大理寺丞知大中祥符五年四月到任六年三月就移知寶州

李杭

以著作佐郎知大中祥符六年七月到任七年十二月就移知寶州

李宋卿

以太常寺太祝知大中祥符八年七月到任九年五月就移知循州

桑衍

以著作佐郎知大中祥符九年十月到任天禧元年八月就移同判桂州

楊文友

以大理評事知天禧元年十二月到任三年十二月滿

張士宗

以衛尉寺丞知天禧三年十二月到任乾興元年四月轉太子洗馬是月滿

藥沂

以大理寺丞知乾興元年四月到任天聖二年八月滿

張革

以著作佐郎知天聖二年八月到任四年七月轉秘書丞十一月滿

吳昭允

以大理寺丞知天聖四年十一月到任六年正月轉太子中舍人七年四月滿

王淳

以大理寺丞知天聖七年四月到任九年六月滿

喬文睿

以太子洗馬知天聖九年六月到任九月轉殿中丞明道二年轉國子博士當年十一月滿

王正民

以衛尉寺丞知明道二年十一月到任景祐元年十二月轉大理寺丞二年十一月滿

成元吉

以國子博士知景祐二年十一月到任四年十一月轉虞部員外郎五年二月得替赴闕

劉伸

以衛尉寺丞知景祐五年二月到任寶元二年八月轉大理寺丞康定元年正月滿

趙拯

以殿中丞知康定元年正月到任慶厯元年十一月轉太常博士三年三月就移知封州

徐沆

以大理寺丞知慶厯三年四月到任四年九月丁憂

馬元康

以秘書丞知慶厯五年四月到任七年四月滿

袁穆

以太常博士知慶厯七年四月到任八年十二月致仕

馬用

以太常博士知皇祐元年三月到任二年五月轉屯田員外郎三年十一月滿

姚程

以大理寺丞知皇祐三年十一月到任四年二月就移監泗州轉般倉

章隱之

以太常寺太祝知皇祐四年四月到任至和元年正月轉大理評事二年四月滿

鄭洙

以殿中丞知至和二年四月到任嘉祐二年正月遷國子博士三年四月滿

李孝傑

以大理寺丞知嘉祐三年四月到任四年八月移知信州貴溪縣

譚昉

以大理寺丞知嘉祐四年十一月到任六年五月遷太子中舍十二月滿

鄭諤

以殿中丞知嘉祐六年十二月到任八年三月遷國子博士六月覃恩遷虞部員外郎治平元年十

二月
滿

富隨

以光祿寺丞知治平元年十二月到任二年九月改大理寺丞四年三月覃恩轉太子右贊善大夫

當年十

二月滿

李茂立

以尚書虞部員外郎知治平四年十二月二十七日到任熙寧四年二月初三日滿

李公綽

以大理寺丞知熙寧四年四月二十八日到任六年十月轉太子中舍七年四月二十八日滿

陳湜

以秘書丞知熙寧七年四月二十八日到任當年七月十九日丁憂

崔積

以太子中舍知熙寧八年四月十八日到任元豐元年四月滿

裴士諤

以尚書比部員外郎知元豐元年四月二十七日到任至二年六月內轉尚書駕部員外郎三

年秋月改朝請
即四年四月滿

朱敏功

宣德郎元豐四年四月二十八日到任七年五月十三日滿

練定

宣德郎元豐七年五月十三日到任八年四月二十五日丁憂

周瑛

奉議郎元祐元年四月二十八日到任三年三月尋醫

錢洵直

右宣義郎元祐三年八月十一日到任七年三月十二日轉右宣德郎

蓋士宣

右宣德郎元祐七年七月二十六日到任八月二十四日致仕

趙士香

左朝請郎元祐八年四月初二日到任紹聖二年十月初二日滿

張輔之

通直郎紹聖二年十月初二日到任三年三月二十日轉奉議郎

王嶠

承議郎紹聖三年十二月初一日到任元符三年八月十七日滿

徐裡

宣德郎崇寧元年八月初五日到任四年五月二十六日轉通直郎

尤絢

通直郎崇寧四年十二月三十日到任大觀二年十月二十六日轉承議郎

張逸

朝奉郎大觀三年四月初一日到任政和元年七月十二日轉朝散郎

陳抃

承議郎政和二年六月二十九日到任十二月十四日丁憂

葉安節

朝請郎政和三年四月二十五日到任七年八月二十八日滿

王大亮

宣教郎政和七年八月二十八日到任宣和四年七月初二日滿

林正

奉議郎宣和四年七月初二日到任十二月初五日丁憂

江少虞

宣教郎宣和五年八月十九日到任七年八月二十三日改授耀州教授

張灑 承議郎建炎二年正月二十四日到任三年八月內轉朝奉郎四年五月初七日滿

盖大淵

右承議郎建炎四年五月初七日到任紹興二年五月十三日滿

諸葛行敏

左奉議郎紹興二年五月十三日到任三年十二月初八日丁憂

鄭僖

右朝奉郎紹興四年二月初九日到任五年十月初九日滿

章汝翼

右宣教郎紹興五年十二月十四日到任六年六月十四日轉右通直郎十二月十四日滿

蘇德秀

右宣教郎紹興八年十二月十四日到任九年四月初二日轉右通直郎十一年十二月二十

七日
滿

葉珪

左宣教郎紹興十一年十二月二十七日到任十二年正月二十五日轉左奉議郎

毛宣

右宣教郎紹興十三年十一月二十五日到任十四年二月二十九日轉右通直郎十七年二月初

二日
滿

呂晉夫

右奉議郎紹興十七年二月初二日到任二十年正月十一日轉右承議郎二月初六日滿

趙沔

右通直郎紹興二十年二月初七日到任二十三年二月二十一日任滿

郭鎮

左承議郎紹興二十三年二月二十二日到任十一月十四日轉左朝奉郎二十六年四月二十日

滿

林椿

右承事郎紹興二十六年五月初十日到任二十八年十一月十五日轉右宣義郎二十九年二月

十一日
丁憂

呂柔中

右通直郎紹興二十九年正月二十四日到任三十一年九月改差監潭州南嶽廟

葛世顯

右通直郎紹興三十一年十二月二十九日到任覃恩轉奉議郎磨勘轉承議郎乾道元年正

月十八日滿

潘旦

左從政郎以令兼兵乾道元年正月十八日到任四年四月二十四日滿

胡傑

右通直郎乾道四年四月二十四日到任磨勘轉奉議郎

沈時

右宣教師乾道六年八月初四日到任磨勘轉通直郎

唐銓

右通直郎乾道九年正月十一日到任兩經磨勘轉承議郎淳熙二年三月十二日滿

劉嗣忠

宣教師淳熙二年三月十二日到任十一月二十五日丁憂

陳公亮

宣教郎淳熙三年四月初五日到任次
年磨勘轉奉議郎五年四月初八日滿

楊克忠

宣教郎淳熙五年四月初八日到任六年
十一月磨勘轉奉議郎八年七月初五日滿

蘇光庭

宣教郎淳熙八年七月初六日到任九
年七月二十七日差監潭州南嶽廟

錢孜

通直郎淳熙九年十月二十七日到任磨
勘轉奉議郎十三年二月十四日丁憂

曾梁

通直郎淳熙十三年四月二十三日到任磨
勘轉奉議郎十四年七月十六日避親離任

唐叔翰

通直郎淳熙十四年十二月十五
日到任不及考差監潭州南嶽廟

趙錢夫

宣教郎淳熙十六年六月二十三日到任
磨勘轉奉議郎紹熙二年七月初二日滿

陳造

宣德郎紹熙二年七月初二日到任
磨勘轉奉議郎五年七月初十日滿

韓永德 宣教郎 紹熙五年七月初十日
到任 覃思 磨 勘 轉 承 議 郎 致 任

秦澤 宣教郎 慶元三年七月三十日
到任 不及 考 致 任

徐杲 奉議郎 慶元四年八月二十五日
到任 五年九月十五日 避 嫌 離 任

王百揆 朝奉郎 慶元六年正月初九日到任
該 磨 勘 轉 朝 散 郎 嘉 泰 三 年 三 月 三 日 到 任 該 磨

商逸卿 宣教郎 嘉泰三年三月初三日到任
該 磨 勘 轉 奉 議 郎 開 禧 二 年 四 月 十 四 日 滿

趙竒夫 通直郎 開禧二年四月十四日到任
該 磨 嘉 定 元 年 八 月 初 八 日 因 事 離 任

崔端學 通直郎 嘉定元年十一月初三日
到任 五年二月初一日 滿

蔣綸 通直郎 嘉定五年二月初一日到任
次 年 磨 勘 轉 奉 議 郎 賜 緋 七 年 十 月 初 四 日 滿

錢憲邦

宣教郎嘉定八年六月二十九日到任十一年八月初四日滿

趙琰夫

宣教郎嘉定十一年八月初四日到任

施廷臣

宣教郎嘉定十四年九月初六日到任寶典磨勘軍恩轉承議郎十七年十一月二十五日滿

趙汝瞞

通直郎嘉定十七年十一月二十五日到任軍恩磨勘轉承議郎寶慶三年十二月十九日滿

陳纘

通直郎寶慶三年十二月十九日到任

社稷

壇在縣西一里開禧元年令商逸卿修

城隍

廟在縣東南七十步梁貞明二年建

學校

皇朝雍熙二年主簿李齊始建先聖殿于縣東二十步
至道元年令馮璉增修崇寧中詔天下行三舍法因增
廣為學宮建炎四年燬于兵紹興八年令章汝翼改建
于縣東北半里慶元元年令韓永德重建大成殿歷三
令始備講堂曰明倫久亦圯嘉泰四年令商逸卿撤新
之邑人胡大任黃君中益地以拓學區嘉定四年令崔

端學乃創立四齋曰育英曰養賢曰升俊曰達材米有
廩祭有庫疊石為泮水橋設重門于橋之外戟門內新列
兩廡八年攝守程覃捐緡錢四百委主簿攝縣事戴栩
於明倫堂之前護以儀門後立直舍三間闢小學齋曰
求益環泮水之岸皆甃之十二年趙秘夫宰邑相繼撥
官產以埤學租舊租之湮沒者覈實而附于石養士始
僅足矣商與崔之所建皆商實記之

祭器商逸卿修

祭服闕

御書

紹興御書

淳熙十六年頒降

寶慶訓敕士風御筆二軸

一軸清司頒降
一軸本府頒降

官書

史記

二十四冊

兩漢書

四十八冊

唐書

四十四冊

右開禧元年令商逸御置

通鑑要覽

右嘉定四年令崔端學置

錢糧

舊收米穀幾八百碩職掌不明遂多湮沒嘉定十二年令趙秘夫增置學租且驅磨舊租之數

刻于石而湮沒之久者追尋未竟今以見管數紀

米五百九碩九斛九升八合

穀五十四碩五斛

租錢六十貫文

城郭

縣城周環四百五十丈濠三百餘丈世傳錢氏開邑時

置

坊菴

嘉定八年主簿戴相攝邑始立門牌各以坊市舊事建立

通利坊

乘安坊

景福坊

榮桂坊

淑孝坊

富德坊

亨濟坊

柔遠坊

棲鳳坊

孝行坊

和豐坊

保定坊

善慶坊

上安坊

清晏坊

洪化坊

僊桂坊

神秀坊

寶山坊

倉庫務場等

倉

縣城內

庫

縣廊

酒稅務

縣東南一百二十步天禧五年置

澥浦稅場

縣西北六十里

清泉鹽場

縣南十三里崇丘鄉覺海院東

龍頭鹽場

靈緒三都去縣一
百里開禧元年置

穿山鹽場

海晏二都去縣九十里
乾道中為清泉水場開禧二年改為正場

長山鹽場

靈巖二都石湫碛下去縣四十里
舊隸清泉嘉定四年改為正場

居養院

縣東一百三十五步
元符二年建

安濟坊

與居養院相鄰崇寧元年建久而昏圮
嘉定十四年令趙秘夫重建安濟院

漏澤園

縣西一里一百八十步
崇寧三年建

公宇

縣聽

梁貞明二年立皇朝雍熙元年主簿李齊修建
炎四年燬于兵紹興元年令蓋大淵重建淳熙四年

三月令陳公亮再建縣門其上為勅書樓
紹熙五年樓圯于風六年令韓永德重建

靜安門

縣前

迎恩門

嘉定八年主簿戴相權縣立

海光閣

舊名多稼亭在縣聽西北嘉定四年二月令崔端學重建

清輝軒

海光閣前嘉定十三年令趙玘夫立

永賴亭

淳熙十年新疊石梵海塘六百餘丈十六年通判林楠作亭臨之在水軍第一將營之後

海晏亭

嘉定十五年增砌石塘五百二十丈又建亭于統制衙後名以鎮海寶慶二年守胡榘改扁今

名

航濟亭

縣東南四十步元豐元年建為麗使往還賜燕之地建炎兵燬遂廢

柔遠亭

縣南五十步舊名巨川崇寧二年令徐祿重建更名建炎四年燬于兵

迎麾亭

縣西三里靖康二年權縣徐通成建今廢

官僚

丞

聽事縣東一百二十步崇寧五年建

主簿

聽事縣東南一百步舊本水陸管界巡檢寨嘉祐八年令鄭諤奏請移寨于澥浦以其地益簿聽聽

側有淮海樓為秦少游作也建炎四年燬于兵慶元五年主簿陳廣孫重建攻媿樓鑰記之怪淮海集題詠不及定海其實少游嘗在浙東帥程開館中程辟之為定海簿而竟不至記文謂調是官而未始至後

人遂借公為重而
名斯樓斯言得之

尉

聽事縣東八十
步淳化元年建

監酒

聽事縣東南一百步自水軍抱認酒
息錢省罷監官聽事遂為水軍酒務

監稅

聽事縣東南一百
步永遠亭之側

海內東寨巡檢

梁貞明二年置駐劄迎賓院皇朝天聖
中置土軍一百人建聽事于縣東九十

步建炎四年燬于兵有
音土軍併就西寨官省

海內西寨巡檢

聽事舊在縣西南三十步嘉定七年攝
守程軫奏請移軍屯烏疇頭八年五月

十七日并

聽事移建

白峰巡檢

建炎四年置就諸寨撥隸土軍于海晏鄉真修院慈濟院駐劄防海道後緣海寇剽劫

苔浦紹興二十六年守王侯奏降為海內巡檢下指使立寨午柄跳至今就海內寨撥隸土軍

水陸管界巡檢

聽事本今簿聽之址嘉祐八年移建漣浦在縣西北六十里

清泉監鹽

龍頭監鹽

穿山監鹽

長山監鹽

四監官聽事各在本場去縣遠近已見本場注龍頭長山二場自竇慶二年提鹽余鑄奏

選辟
文資

驛鋪

濟川館

縣南三十步舊名利涉崇寧三年火紹興八年令張汝翼重建改名濟川淳熙初令唐銓重修

久而圯嘉定元年三月令趙奇夫重建易亭曰館崔端學繼之始落其成

西門鋪

縣郭南至清水鋪二十五里北至縣五里

清水鋪

清水坊前南至鄞縣桃花鋪三十五里

河頭鋪

育王河頭西至鄞縣桃花鋪五十五里東至蘆浦鋪五十里

蘆浦鋪

穿山磯東渡海洋至昌國縣

叙山

候濤山縣東北八里一名招寶山耆舊相傳山下有蚌
生明珠往來波濤之間漁人或得之即光耀逼人駭
浪繼作舟不可行投之乃止

巾子山縣東北八里與候濤山形勢相控為潮水出入
之障蔽邑無水患者兩山之力非二山障蔽不可為
邑矣

金雞山候濤山外海口世傳山內有金雞正鎮海門
鮫門山縣東四十里一名嘉門其山環鎖海口出鮫門

則大洋也

虎蹲山縣東二里屹立海口象形而名之

游山縣東二里海中

印山縣東一里

梓蔭山縣東一里統制馮柄夷而築之上建屏山堂

竹嶼山縣東南一十二里

青嶼山縣東南一十五里

樂家嶼山縣東南二十五里

蘆山縣東南石湫浦

鬼嶼山縣東南石蓮灣好事者易名寶嶼山

小三山縣東南四十五里

啟霞山縣東南七十里

栢香巖啟霞山下

紫石頭山縣東南八十里以石色得名

雲霄山縣東南八十里

瑞巖山縣東南九十里山有十二峰皇朝大中祥符五

年有芝草生于青松峰之下守臣康孝基奏奉勅獎
諭云和氣所蒸靈苗載育時惟珍物著厥祥經省覽
貢陳良增嘉媿想宜知悉詔碑具存

大蓬山縣東南一百里

烏崎山縣東南一百一十里

大榭山小榭山縣東南一百二十里

盤嶼山縣南七十里水繞太白山陰而出凡三十六盤

靈巖山縣南四十里

陳山縣南三十五里

飯釜山縣南三十里

剡輿山去縣十五里下有泗洲堂

長山縣南十五里

南山縣南十里

東山縣南十里與南山對峙

龍山縣西南三十五里形勢如龍

慈嶼山縣西南九十里耆老相傳左慈嘗隱此山故以

為名

箕嶼山縣西七十里

新婦山縣西北六十里

石壇山縣西北七十五里其山有石如壇

伏龍山縣西北八十里一名箬山其山跨東海西海之

門宛若龍頭龍尾之形又若龍赴海之狀因名伏龍

山內有刺史門石壇乳井產楸子木水產紫菜獨勝

他所著名伏龍菜餅

叙水

渠堰礮閘橋
梁津渡附

水

海環縣之東南北山勢盤旋潮泥積淤善經理之皆可
為田稍失隄防風潮衝擊則平田高岸悉為水鄉淳
熙十年令唐叔翰與水軍統制王彥舉統領董珍申
府聞于朝支降錢米倣錢塘江例疊石甃塘岸六百
二丈五尺嘉定十五年接連增甃五百二十丈蓋府
荐有請朝廷續賜費也其工役縣尹施廷臣水軍統

制陳文分董之塘有峻坡捍禦甚固本縣又準行下於石塘盡處再築土塘三百六十丈以續之有永賴海晏二亭臨石塘之上經始之難後來者不可忽

大浹江縣南一里與鄞江通

小浹江縣南一十五里

富都湖縣南五十五里又曰萬金湖周環三十里溉民田二百餘頃

彭城湖縣南四十五里溉民田一百餘頃夏侯曾先地

志云墻下湖周環一十里即此湖也

楊溪縣南三十五里

章家溪縣南三十里

新婦潭縣南十五里有娘娘祠

石湫縣東南三十里水源出太白王荆公經行記所謂
下靈巖浮石湫之壑是也鄭瓚黃中有詩云一水玻
瓈似苔雲羣山俎豆勝方壺

華家匯縣東南二十五里

石蓮灣縣東南三十五里

朱家浦縣東南四十里

槎浦縣東三十里

東泉池在縣東泉有二脈其東之脈鹹其西之脈甘甘泉常盈雖遇旱暵不耗竭鹹者多涸有時而出味未嘗雜皇朝嘉祐三年令鄭洙以石甃四旁其廣二十餘丈其長居廣之半其深得長四之一邑人至今蒙其利

鳳浦湖縣北七十里

沈寤湖縣北一百里溉民田數百頃

清水浦縣西三十里

渠堰碶閘

通山碶縣東南海晏鄉一百里慶厯七年荆國王公安

石宰鄞縣時鑿山為之

張監碶縣西五里

石湫碶縣南三十五里

黃滿堰縣南十五里

太博堰縣南三十里

地埭堰縣南三十里

楊木堰

橋梁

善慶橋

縣側
半里

嘉定橋

縣東
一里

曹家橋

縣東
一里

市西橋

縣西二里唐開元中建

通利橋

縣西二里

雙橋

縣西二里

小泱江橋

縣南一十五里熙寧六年建

和尚橋

縣南十八里

大明洋橋

縣南二十里嘉定中重建

衛家橋

縣南二十五里

雙緯橋

縣南二十五里

童家橋

縣南二
十五里

蔣博橋

縣南三
十七里

石湫市橋

縣南三十里
寶慶二年重建

四柱橋

縣南三
十里

師姑橋

縣南三
十五里

呈聖橋

縣東南
五十里

撞山橋

縣西二
十里

三石橋

縣西三十五里
唐貞元八年建

孔浦橋

縣西五十里漢
乾祐元年建

駱駝橋

縣西五十里
建隆元年建

澥浦橋

縣西北六十里
唐大和二年建

石橋

縣西南三十里
皇祐年中建

津渡

大泱渡

縣南
一里

小泱渡

縣南一
十五里

東江渡

朱家渡

胡家渡

蘆浦渡

縣東一百里乘半潮可抵昌國縣

叙產

已見郡志



寶慶四明志卷十八